

Пайғамбаримизнинг таом ва ичимликларга тааллукли суннатлари

«Ҳадю Мұхаммад соллаллоҳу алайҳи ва саллам фи ибадатиҳи ва
муъамалатиҳи ва ахлақиҳи» китобидан иқтиbos

[Ўзбекча – Uzbek – أوزبکى]



Доктор Аҳмад ибн Усмон ал-Мазяд



Мутаржим: Абу Абдуллоҳ Шоший

Мухаррир: Абу Мұхаммад Али Бухорий

هدية صلّى الله عليه وسلم في الطعام والشراب

مقالة مقتبسة من كتاب هدي محمد صلى الله عليه وسلم في عبادته ومعاملاته وأحلاقه

[‌الأوزبكي – Uzbek –]



د. أحمد بن عثمان المزيد

٢٠٢٢

ترجمة: أبو عبد الله الشاشي

مراجعة: أبو محمد علي البخاري

15- Пайғамбар соллаллоҳу алайҳи ва салламнинг таом ва ичимликларга тааллуқли суннатлари¹

A) Пайғамбар соллаллоҳу алайҳи ва салламнинг таом-егуликларга тааллуқли суннатлари:

- 1- У зот соллаллоҳу алайҳи ва саллам мавжуд таомни рад етмас, йўғини талаб қилмас эдилар. Олдиларига қўйлган пок таомни ер, кўнгли тортмаганини емас, бироқ уни бошқаларга ҳаром қилмас эдилар. Ёқтирган таомни ейишга ўзларини мажбурламас, ҳеч қачон бирон таомни айбламас (яъни, камчилигини топиб, айтмас) эдилар. Эчкиэмарни ейиш одатлари бўлмагани учун тарк қилганлари сингари кўнгли тортган нарсани ер, тортмаса емасдилар.
- 2- Нимани топсалар ер, топилмагандан сабр қилар эдилар, ҳатто баъзан очлик туфайли қоринларига тош боғлар эдилар. Ой ортидан ой, ой ортидан ой ўтар, бироқ у зотнинг хонадонларида олов ёқилмасди (яъни, қозон қайнаб, иссиқ овқат бўлмасди).
- 3- Ўзларига бир тур таомни хослаб олиб, ундан бошқаларини емаслик одатлари йўқ эди.
- 4- Шириналик ва асал едилар ва уларни яхши кўйардилар. Туя, қўй, товук, тувдоғ (турна туркумидан бўлган улкан қанотли чўл қуши), ёввойи эшак ва қуён гўштини ва денгиз хайвонларини едилар. Кабоб едилар, янги пишган ва қуритилган хурмо едилар, ёвғон шўрва — гўшт ва нонли шўрва едилар. Зайтун

¹ Зодул-маод (1/142, 362).

ёғига нон ботириб едилар, барра бодиринг билан янги пишган хурмони едилар, пиширилган қовоқни едилар ва уни яхши қўрардилар. Куритилган гўштни едилар, қуруқ хурмони сарёф билан едилар.

- 5- Гўштни яхши кўрар, ундан энг яхши кўрган жойи — қўйнинг олдинги оёқлари ва олд қисми эди.
- 6- Юртларидаги мевадан олиб келинганда ер, ундан парҳез қилмас эдилар.
- 7- Аксарият холларда ерга тўшалган дастурхонда таомланар эдилар.
- 8- Ўнг қўл билан ейишга буюар, чап қўл билан ейишдан қайтарар ва шундай дер эдилар: “Албатта шайтон чап қўли билан еб, чап қўли билан ичади” (Муслим ривояти).
- 9- Таомни учта бармоқлари билан ер ва таомланиб бўлгач, уларни ялар эдилар.
- 10- Суянган ҳолатда таомланмас эдилар. Суяниш уч хил бўлади: биринчи тури — ёнбошламоқ; иккинчиси — чордона қуриб ўтимоқ; учинчиси — бир қўлга суюниб, иккинчи қўл билан таомланмоқ. Бу учала кўринишида таомланиш мазаммат қилингандир. У зот икъо суратида ўтириб таомланар эдилар. Икъо — орқани ерга қўйиб, икки тиззани тик қилинган ҳолатdir.
- 11- Кўлларини таомга узатганларида “бисмиллаҳ”, дер ва овқатланаётган кишига “бисмиллаҳ”, дейишини буюарар эдилар. Айтдиларки: “Сизлардан бирингиз таомланаётган бўлса, (таомни бошлашдан олдин) “бисмиллаҳ”, десин! Агар таомланишнинг бошида “бисмиллаҳ” дейишини унутса, (эсига тушган заҳоти) “бисмиллаҳи фи аввалиҳи ва охириҳи”, (маъноси: таомнинг бошида ҳам, охирида ҳам Аллоҳнинг номи билан

едим ва ейман)”, десин!, дедилар (Термизий ривояти).

- 12- Айтдиларки: “Албатта шайтон (“Бисмиллах” деб) Аллоҳнинг исми зикр қилинмаган таомни ўзига ҳалол ҳисоблайди” (Муслим ривояти).
- 13- Таомланиш асносида гаплашар, серсаҳоват кишилар қилганидек, меҳмонларни (таомдан олинглар, деб) таомга бир неча марта тақлиф қиласар эдилар.
- 14- У зотнинг олдидан овқат (тавоғи) олингач, шундай дер эдилар: “Алҳамдуллаҳи ҳамдан касийрон тоййибан мубарокан фийхи ғойро макфийин ва лаа муваффақиятни мустағнан анху роббанаа”, (маъноси: Аллоҳга риёсиз-ҳақиқий, муборак, кўпдан-кўп ҳамдлар бўлсин. Раббимиз ҳеч кимга муҳтож эмас. (Балки Унинг ўзи барча бандаларини таомлантиради ва кифоя қиласади). У тарк қилинмас ва Ундан беҳожат бўлинмас) (Бухорий ва Термизий ривояти).
- 15- Агар бир жамоа ҳузурида таомлансалар, уларнинг ҳаққига дуо қилмасдан кетмасдилар, айтардиларки: “Афтара индакумус-соимун ва акала тоамакумул-аброр ва соллат алайкумур-малаика”, (маъноси: Хонадонингизда рўзадорлар ифтор қилсин. Таомларингизни яхшилар есин ва фаришталар сизларга дуо қилсин) (Абу Довуд ривояти).
- 16- Мискин, бечораларни меҳмон қилган кишининг ҳаққига дуо қиласар ва уларни мақтаб кўярдилар.
- 17- Пайғамбар соллаллоҳу алайҳи ва саллам катта-ю кичик, хур-у қул, даштлиг-у муҳожир ким бўлишидан қатъий назар у билан таомланишдан тортинмасди.
- 18- Рўзадор бўлган пайтлари у зотга таом келтирилса, “Мен рўзадорман”, дер эдилар (Муттафақун алайҳ). Рўзадор кишига таом тақдим қилинса, таом келтирган кишининг ҳаққига дуо қилишга, агар рўза

бўлмаса, тақдим қилинган таомдан ейишга буюар эдилар.

- 19- Агар таомга таклиф қилинсалар, у зотга эргашиб борган бирон киши бўлса, хонадон эгасига билдириб қўяр ва шундай дер эдилар: “Бу бизга ҳамроҳ бўлиб келган кишидир. Истасанг, унга (ҳам киришга) изн бер, (ёки кетишини) истасанг, қайтиб кетади” (Бухорий ривояти).
- 20- Тўймаётганларидан шикоят қилган кишиларга таомнинг уларга баракали бўлиши учун алоҳида алоҳида бўлмай, биргаликда таомланишларини ва (таомдан олдин “Бисмиллах” деб) Аллоҳнинг исмини зикр қилишларини буюрдилар.
- 21- Айтдиларки: “Одамзот кориндан кўра ёмонрок идишни тўлдирган эмас. Аслида одам фарзандига қомадини тик тутишга етадиган бир неча луқма таом кифоя қиласи. Агар мутлако (бундан кўп) емоқчи бўлса, ошқозонининг учдан бири таоми, учдан бири ичимлиги ва учдан бири нафас олиши учун бўлсин” (Термизий ва Ибн Можа ривояти).
- 22- Бир кечада уйларига кирдилар ва таом қидирдилар, топмагач, шундай дедилар: “Аллоҳумма атъим ман атъаманий васқи ман сақоний”, (маъноси: Эй Аллоҳ, менга таом берганни Ўзинг таомлантири. Менга сув ичирганга Ўзинг сув ичир) (Муслим ривояти).

В) Пайғамбар соллаллоҳу алайҳи ва салламнинг ичимликларга тааллуқли суннатлари:²

- 1- Пайғамбар соллаллоҳу алайҳи ва салламнинг ичимлик ичишдаги тутган йўллари согликни сақлашда энг комил йўл эди. Ширин ва совук

² Зодул-маод (2/366, 4/209).

ичимликни яхши кўрардилар. Гоҳида сутни ўзини ичсалар, гоҳида сутни сув билан аралаштириб ичар ва шундай дер эдилар: “Аллоҳумма барик ланаа фийхи ва зиднаа минху”, (маъноси: “Эй Аллоҳ, сутни бизга баракали қил ва уни бизга кўпайтир”) сутдан бошқа бирон нарса ҳам таом, ҳам ичимлик ўрнини босмайди” (Термизий ривояти).

- 2- Овқатнинг устидан сув ичиш у зотнинг одатлари эмасди. У зот учун кечанинг бошида бир идишдаги сувга қуруқ хурмо солиб набиз — хурмоли тотли сув тайёрлаб қўйилар, эртаси куни тонг отганда, ўша куннинг кечасида, ундан кейинги куннинг тонгти ва кечасида, ундан кейинги куннинг эрталабки вақтидан асрографа ичар эдилар. Агар ундан ортиб қолса, ходимларига қўйиб берар ёки бошқаларга қўйиб беришини буюарар эдилар. Уни уч кун турганидан кейин маст қилувчи ичимликка айланиши эҳтимолидан андиша қилиб ичмас эдилар.
- 3- У зотнинг одатлари ўтириб ичиш бўлиб, туриб ичишдан таъқиқлар эдилар.

Бир сафар турган ҳолатда ичдилар. Бу ҳақда узри бўлгани сабабли туриб ичдилар, дейилди. Бир фикрга кўра, қайтарикнинг ҳукмини бекор қилиши учун шундай қилдилар, дейилса, яна бир фикрга кўра эса иккила ҳолатда ҳам ичиш мумкинлиги учун қилганлар, дейилди.

- 4- Ичиш асносида уч марта нафас олар ва шундай дер эдилар: “Мана шу қондирувчироқ, мазалироқ ва (соғлиққа) фойдалериоқдир” (Муслим ривояти).

Ичиш асносида нафас олиш дегани, идишни оғиздан узоқлаштириб, идишдан ташқарига нафас олиш демакдир. Буни қўйидаги ҳадисдан оламиз: “Сизлардан бирингиз (бирон ичимлик) ичса, финжон ичига нафас олмасин, балки финжонни оғзидан узоқлаш-

тирсин (ва ундан кейин нафас олсин)” (Термизий ва Ибн Можа ривоятлари).

Синиқ ва чети учган пиёла ва финжондан ичишдан ва бироргага уларда ичимлик беришдан қайтардилар.

- 5- Бирон ичимлик ичишдан олдин бисмиллах, ичиб бўлгач алҳамдулиллаҳ, дер эдилар ва айтардиларки: “Албатта Аллоҳ, бирон таом егач, у учун Аллоҳга ҳамд айтган, бирон ичимлик ичгач, у учун Аллоҳга ҳамд айтган бандасидан рози бўлади” (Муслим ривояти).
- 6- У зотга чучук сув олиб келинар ва ундан бир кеча турганини ихтиёр этардилар.
- 7- У зот бирон ичимлик ичиб, идишдаги ичимликни бошқаларга бермоқчи бўлсалар, чап томонларида ёши катта кишилар бўлса ҳам ўнг томонларидаги кишига узатар эдилар.
- 8- Идишларни устини ёпишга, (меш каби идишларни эса) оғзини боғлаб қўйишга, ҳеч бўлмаса идиш оғзига бир чўпни қўйишга ва бу аснода бисмиллаҳ дейишга буюрар эдилар.

